

Date – 02/12/2024

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Larsap Dr. Hari Babu Kambhampati an Mizorama hmasawwna ruhrel siam nan leh hmasawwna hrang hrang atan CSR Fund hman tangkai a pawimawh a ti.
2. Vawiin National Pollution Control Day hi ram pumah hman niin faina leh thianghlimna kawnga inzirtirna leh a taka thawk chhuakin hun hman a ni.
3. Parliament rorel inkhawm chu a ni nga nan rorel thei lovin vawiin khan tihtawp leh a ni
- 4 Chief of naval Staff Admiral Dinesh K.Tripathi chuan chuan kum 10 chhungin Indian Navy ah lawng leh tuihnuai lawng 96 lakluh a ni ang a ti.

<><><>

GOVERNOR

Larsap Dr. Hari Babu Kambhampati an Mizorama hmasawwna ruhrel siam nan leh hmasawwna hrang hrang atan CSR Fund hman tangkai a pawimawh thu a sawi.

Vawiin chawhmaa Health & Family Welfare Minister Pi Lalrinpuii, Adviser to CM (Finance & Planning) Pu TBC Lalvenchhunga, ZMC Director Dr. John Zohmingthanga leh Dr. Haroon M. Pillay, Neurosurgeon, Silverline Hospital, Kochi-te Raj Bhavan-a a kawmna ah he thu hi sawiin Larsap chuan CSR Fund hman tangkai a nih theih nan Public Sector Undertaking (PSU) hrang hrangah rawtnate thlen zung zung a tul thu a sawi a, Prime Minister-in PSU te chu NE State tan an CSR fund-te hmang uar tura a chah thu sawiin, hei hi remchangah hmanga fund hai chhuah dan kawng ngaihven nasat lehzual a tul hle a ni a ti bawk.

Thutkhawm ah hian Zoram Medical College (ZMC) a Neurosurgery Department din a nih theih dan tur chungchang sawiho a ni a, Health Minister Pi Lalrinpuii chuan hriselna kawnga hmasawwna tura theihtawp chhuah mek zel a nih thu sawiin, ZMC-ah Neurosurgery Department awm theih nana hmalak mek bakah Cardiothoraco Vascular Surgery OT Unit, IVF Centre leh tul dangte a awm thei nana tanlak chhunzawm zel a pawimawh thu a sawi a. Health infrastructure tihchangtlun a nih theih nana Governor hmalakna leh thahnemngaihna chu fakawm a tih thu a sawi bawk.

He hunah hian Mizoram mipuite mamawh em em Neurosurgery Department ZMC-a hawn a nih theih nana hmalak tul hrang hrangte sawi ho a ni a. Hmunhma thuhlaah harsatna a awm loh thu tarlan niin, hemi atana sum mamawh zat tur leh detailed project proposal siamte thlirhoa pawm a ni a.

Hemi tur hian Indian Oil Corporation Ltd. te inhuam angin CSR fund dil ni se, a ranglamin detailed project proposal thawna ngaihven zui ni se tih a ni.

<><><>

AMC

Aizawl Municipal Corporation (AMC) Corporator ten sorkar kum kal mekah fund chanve an la dawnglo.

Akashvani Correspondent zawhna chhangin Finance Accounts Officer (FAO) Pu HT Lalropuia chuan kum 2024-2025 sawrkar kuma budget siam lain ward 19 a corporator ten ward fund cheng nuai 35 theuh dawng thei tura ruahhman a nih thu sawiin ULB grants 2023-24 ah first leh second installment ah cheng nuai 5 ve ve dah a ni a, ULB grants 2024-25 ah cheng nuai 10 dah a ni bawk a. Property tax khawn mek atangin cheng nuai 15 theuh dawng thei tura ruahhman a nih thu a sawi bawk.

Pu HT Lalropuia chuan kum 2023-24 first installment chiah dawn ala nih thu sawiin kumin chhunga budget dah angin an kal theiloh thu a sawi.

<><><>

RD MINISTER

Rural Development Minister Prof. Lalnilawma chuan Khawbung RD Block-in ‘Project Rotling - Hmasawna Rahbi Thar’ hnuaia an hnathawh - ‘Project Sustainable Livelihood through Ericulture at Chhingzawl Ram’ chu a tlawh a. Minister hian Tuipuiral Games 2025 neihna tur Samthang Playground laih zauh dan tur pawh a en nghal a ni.

‘Project Sustainable Livelihood through Ericulture at Chhingzawl Ram’ ah hian Rural Development leh Sericulture Department-te thawhdunna a ni a. He project hnuaiah hian Chawngfianga tui, Mu bu ram ami chu lak a ni a. Tui dahkhawlana atan hian tuizem lian pakhat siam niin, a thlang lamah ruah tui khawlana tur leh tuizem lian aṅanga tui sem thlakna tur tuizem panga siam a ni. Tui hi Chhingzawl rama muṭih, pangbal leh thlai dang te chawm nan a hman tur a ni a, heng thlai te hi Eri pangang chaw a hman tur a ni.

‘Project Rotling – Hmasawna Rahbi Thar’ hi Mizoram chhunga RD Block 28 te inelna a ni a, he project hnuaiah hian Short Term Project, Medium Term Project leh Long Term Project a ni a, RD Block 28 atangin concept paper 84 a lut a, hengte hi District tinah a bialtu Project Director ten an endik hnuah State-Level Expert Panel in project 27 an thlang chhuak a, heta tang hian RD Minister kaihhruai State-Level Monitoring Committee in project 15 ah an lo thlifim leh a ni.

He project hnuaiah hian Short Term Project turin Khawbung RD Block hnuaiah ‘Project Sustainable Livelihood through Ericulture at Chhingzawl Ram’ leh Medium Term Project turin ‘Preparation of Productive Vegetable Farm at Buhtang Zawl and Khiangpui Zawl, Bungzung’ te thlan chhuah an ni.

<><><>

NATIONAL POLLUTION CONTROL DAY

Vawiin National Pollution Control Day hi ram pumah hman niin faina leh thianghlimna kawnga inzirtirna leh a taka thawk chhuakin hun hman a ni.

Mizoramah chuan Mizoram Pollution Control Board (MPCB) hmalâkna-in district hrang hrangah he hun hi hman a ni a. Pollution Control Day pual hian Mizoram district hrang hrangah a rualin District Education Office (DEO)

leh MPCB kaihhrainain School Eco-Club naupangte nen a huhoa kawngpui leh lui dung then fai hnatlâng rûnpui neih a ni a, mi 5000 chuang an thawkchhuak a ni. Aizawl-ah chuan MPCB staff-te leh sikul thlanchhuah bîka Eco Club membrete chuan Tuikual lui, Lawibual lui leh Chite luia hmankhat daih sarâng lam bawlhhlawhte chharin an hnatlâng a, hêng an bawlhhlawh chhar khâwmte hi Tuiriala bawlhhlawh paihna hmunah paih fel nghal a ni.

Kumin National Pollution Control Day pual hian MPCB chuan ‘Clean Air, Green Earth’ tih thupui hmangin Photography Competition leh Online Poster Making Competition buatsaih mek a ni a. Boruak thianghlim pawimawhia inzirtir leh inhrilh hriat nân Public campaign November ni 30 khân Mizoram University Eco-Club member-te nen hlawhtling taka buatsaih a ni bawk.

MPCB Chairman Pu Liankima Lailung chuan thangthar lo la awm zêl turte tâna chênna tlâk khawvêl kan hnutchhiah theih nan tuna chêng mêkten uluk taka kan enkawl a tûl thu a sawi.

National Pollution Control Day hi kum tin December ni 2-ah hman thin a ni a, he ni hi kum 1984-a Bhopal Gas Tragedy-a nun chôn tâ-te hriat reng nâna tih niin mipuite hnêna pollution chungchâng inzirtir nân leh environment humhima tibawlhhlawh lo zâwnga khawsa tura infuih thar nân hman thin a ni.

<><><>

MNF PR

Mizoram Sawrkara Samagra Shiksha hnuai thawk mek, zirtirtu leh thawktu dang mi 3487-in Thlathum dawn hlawh la thei lova an awm chu pechhuak ngei turin sorkar an phut tih MNF Party chuan an sawi.

Vawiin khan thuchhuah siamin Samagra Shiksha hnuai zirtirtu hlawh tur hi Central atangin thleng vek tawh a, hrenbeh sak an ni an ti a, sum hi Nov ni 8 khan a thleng chauh a, a thlen tlai tawh teh lul nen, ziaka ni 15 bak Mizoram Sawrkar chu kawltang lo tura tih a nih laiin, ni 15 a ral hnu vawiin thlengin pek chhuah ala nilo a, hei hian sum enkawl kawngah leh zirna ngaihpawimawh kawnga ZPM kaihhruai sawrkar hlawhchham zia chiang takin a tarlang a ni, an ti.

Hetianga taka zirna ngaihthah leh thawktute hlamchhiah Sawrkar mipuiin an hrawn chu a pawitakzet a ni an ti a, an tha leh thiamna chhawr duh reng chung a hlawh hren sak rengtu, Mizoram Sawrkar hnuai sum enkawltu Finance Minister chuan a hna a tlin thlawtlo a, anmahnu enkawltu School Education Minister pawh in a enkawl Department thawktute pawimawhna a hre tawk lo a ni an ti.

<><><>

ZPM

Mizoram Youth Commission Chairman Pu Malsawmzuala Ralte chuan, ZPM in sawrkarna a siam atanga hun reilote chhungin thalai thahnem takin MYC hmalakna kaltlangin hna an hmuh tawh thu a sawi.

Vawiina Aizawla ZPM Office ah thusawiin Pu Malsawmzuala Ralte chuan, MYC office Aizawl ah, thalai hna zawng mekte tan group A leh B coaching class, zing, chhun leh tlaiha te kalpui mek a ni tih a sawi a. Zirlai 280 vel an awm a, ASI exam turte pualin mock exam an buatsaih bawk tih sawiin Aizawl bakah hian Lunglei, Siaha, Champhai leh Kolasibah te coaching class kalpui mek a ni a, coaching class atan hian fee an ti tlawm a, sorkar hna zawng

mek thalaite pawhin an bawh ve hle a ti a, kum tharah a remchan angin, Serchhip leh Mamit ah Youth Centre din theih an inbeisei bawk a ni, a ti.

Pu Malsawmzuala chuan Mizoram University incubation centre-te nen thawk hovin December thla chungin Enterpreneurship Development Centre MYC office-ah din turin hma an la chho mek tih a sawi a, livelihood business incubator buatsaih an rel a, India leh Taiwan-in hnathawk tur lak luh kawngah inremna an siam bawhzuiin tunah hian mizo nula 2 ten August thla atang khan Taiwan-ah Chinese tawng zirin an awm mek a ni, a ti.

<><><>

AIR ON SOCIAL MEDIA

Chanchin thar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

<><><>

PARLIAMENT

Parliament rorel inkhawm chu a ni nga nan rorel thei lovin vawiin khan tihtawp leh a ni a. Opposition memberten sumdawn pawl pakhat hlemhletna leh Uttar Pradesh-a Sambhal tharum thawhna thleng chungchang sawiho an ngiat avangin bengchheng an siam nasa a. Hei vang hian Lok Sabha leh Rajya Sabha te hi chhun dar 12 khan vawiin atan tihtawp an ni.

Lok Sabha ah hian bengchhang karah Union Minister of Shipping, Sarbananda Sonowal chuan Coastal Shipping Bill 2024 a pulut a. Opposition membete hian sumdawng pakhat hlemhletna bakah Sambhal leh Manipura tharum thawhna sawiho ngiata adjournment motion notice an phut chu Speaker in a phal lo a. Hemi hnu hian rorel thei loa tihtawp zui a ni.

<><><>

NAVY

Chief of naval Staff Admiral Dinesh K.Tripathi chuan chuan kum 10 chungin Indian Navy ah lawng leh tuihnuai lawng 96 lakluh a ni ang a ti. Vawiina New Delhi-a chanchinbumite a kawmnaah Admiral Tripathi chuan tun dinhmunah lawng 62 leh submarine pakhat siam mek a ih thu a sawi a. Indian Navy chuan hun lo kal zelah lawng leh tuihnuailawng te hi lakluh belh zel a duh a ti bawk.

Tun kar nilaini hian Navy Day chu Odisha chu Puri=ah hman a ni dawn a. President Draupadi Murmui chuan a hmanpui ang.

<><><>

COP16

United Nations Convention to Combat Desertification Conference of Parties (COP16) vawi 16 na chu vawiin khan Saudi Arabia-a Riyadh ah tan a ni a. He hunah hian India tiamin ram 197 atangin palai an tel a. Kumin hi UCCD kum 30 tlinna tur a ni.

Kan Correspondent report ilo ngaihthlak chhunzawm ang u.

<><><>